

Masani ma toaga e Alu pea ile Aoga

Faamatalaga mo matua ma e e vaavaaia tamaiti



Ete iloaina ea? Afai ae misi pei ole laititi ifo ile valu aso aoga e ti'ai ele tamaititi ile kuata, e oo atu ile iuga o ana aoga i aoga maualalo, ole a ia misiina e tusa ma le tausaga atoa o ana aoga.

Aiseā e tatau ai lava ona ou ave la'u tama ile aoga?

Ole alu ile aoga mo aoga i New South Wales e faamalosi lava (compulsory). O tamaiti uma mai le ono tausaga ma lalo ifo le maualalo pito i lalo o tausaga e tu'ua ai le aoga, e tatau lava ona o ile aoga e pei ona faatulafonoina.

E mai i le 2010, e tatau i tamaiti aoga uma lava i Niu Saute Uelese ona faauma lelei le Year 10. A uma le Year 10 ma se'ia atoa le 17 o latou tausaga, e tatau lava ona:

1. aoga pea poo le lesitala e aoga i le fale, poo le
2. aoga i se aoga ua faamaonia poo se aoga e a'oa'o ai (e.g TAFE, a'oa'oina, apprenticeship) poo le
3. faigaluega i le taimi atoa, galue ae totogi (tusagalemu o le 25 itula i le vaiaso) poo le soofaatasitasia o se galuega, aoga ma/poo a'oa'oina foi.

O tiute fai faaetulafono a puleaoga le faamaumau lelei ole faatasi mai o tamaitiaoga ile aoga.

O tiute fai foi o puleaoga le faia ole filifiliga poo faapogai ua tuuina mai ua le aoga ai le tamaititi ua sa'o ma ua faamaonia.

Mo nei la faapogai, O le a talosaga ia Puleaoga mo pepa ma'i mai i foma'i poo nisi pepa tusia le le aoga ise taimi umi poo le tia'i aoga foi faifaifea, pe a faamatala mai e matua o faapogai ona o ma'i.

Afai ae manatu Puleaoga e le faamaonia ia faamatalaga ua tuuina mai, ole a latou faamauiina ma tusia i lalo e le faamaonia faapogai na le aoga ai lea tamaititi.

E taua lou malamalama e mafai ele New South Wales Department of Education and Training ona faasala (prosecute) matua (e aofia ai e e vaavaaia tamaiti) pe afai o tamaiti ua oo tausaga ile matua e tatau ai lava ona aoga ae ua faatele ona i ai faapogai ua le aoga ai ua le talia ma le faamaonia na alai ona le aoga.

Pe tatau lava ona ou ave la'u tama ile aoga i aso uma taitasi?

IOE. O se tasi lea o aiaiga ina ua faaulu mai, ole a e auina mai lou alo ile aoga i aso uma lava.

E talia ma faamaonia lava ni nai aso e le aoga ai lou alo pe afai e:

- alu ise sauniga faapitoa faalelotu
- alu ise sauniga matuia ma/poo se mea tau le aiga (eg ose maliu)
- ua ma'i tigaina ua le mafai ona aoga poo seisi ma'i e ono pipisi atu i nisi.

Ole utua ole ulu e masani ona tupu mai, aemaise lava i aoga maualalo. E tatau i matua ona siaki pea lava pea ia laulu ole fanau pe o i ai ni utu ma fai loa i ai togafitiga pe a maua ai ni lia ma ni utu.

E mafai ona maua mai faamatalaga ua uma ona faaliliuina i lau lava gagana ile togafitiga o ulu utua mai le

<https://www.det.nsw.edu.au/languagesupport/documents/headlice/infosheet.htm>

O fautuaga mai le ofisa ole Soifua maloloina a NSW –(NSW Health) ua faailoa mai ai e le tatau ona tuli tamai ile fale ona le faitauina mai aoga ona ole ulu utua. O le ulu utua e le ose faapogai tatau lea e umi ai o le aoga se taititi mai lana aoga.

Aiseā e taua ai le toaga e alu pea lava pea ile aoga?

Ole toaga e alu pea lava pea ile aoga ole a fesoasoani lea i lau tama ina ia manuia lona lumanai.

Ole alu ile aoga i aso uma ole a faigofie ai le aoga ina ole tamaititi ma fesoasoani foi i tamaiti e atinaeina ai le faauo atu i isi tamaiti.

Afai e aoga ina e lau tama ia tomai faavae ile amataga mai o aoga ile aoga, atonu ole a maua ai faafitauli ile aoga ina i taimi mulimuli mai.

Aiseā e taua ai le vave taunuu ile aoga ile taimi atofaina?

Ole taunuu ile aoga ma le vasega ile taimi sa'o e:

- mautinoa ai e le misia e lau tama ia faagaioiga taua o aoaoga ua fuafuaina-schedule e fai ile taeao pe a amata le aoga a o la e sili ona mataala tamaiti
- fesoasoani ai i lau tama e aoaoina le taua ole vave mai ma ia masani i taimi atofaina (routine)
- e maua ai e lau tama le taimi e faafeiloa'i i ana uo a o le'i amataina le vasega ma ole a
- faaitiitia ai foi le avanoa e faalavelave ai seisi ile taunuu atu a ua amata le vasega.

Ole tuai mai e tusia foi ma faamau ole vaega ole le le sau ile aoga (partial absence) ma e tatau ona faamalamalama ile aoga e pei lava o isi foi pepa mo le le sau ile aoga (forms of absence).

Ole a la'u mea e fai pe afai e alu se faamalologa a lo matou aiga i taimi o aoga?

E fia faamalosi ma fautua atu i matua ma e e vaavaaia tamaiti e aua le aveeseina mai tamaiti mai le aoga ona o faamalologa faaleaiga. A ia taumafai aiga e faatulaga a latou malologa i taimi a o tu'ua aoga.

Afai e alu la outou faamalologa i taimi o aoga, vave logo le puleaoga ae lei taitai tou o ma talosaga mo ni livi ma/poo se faatagana mai le aoga.

E fuafua lava i tulaga ma poo le a foi le umi, e mafai ona e fai ile aoga mo ni meaaoga e mafai ona fai a o le o aoga lou alo.

Pe tatau lava ona auai la'u tama i faagaioiga uma lava e aofia ai ma taaloga?

IOE. O taaloga ma isi faagaioiga ale aoga e fesoasoani i lou alo ina ia maua ai le soifua lelei. E manaomia le auai o tamaiti i faagaioiga uma lava ale aoga, e aofia ai taaloga.

Aua nei taofia lau tama mai le aoga ona o mea nei e i lalo:

- aso fanau
- o faatauga
- nofo e tausii tama i isi tamaiti
- siakiina o mea masani ai poo le otiina ole ulu
- mea tau le aiga laiti lava
- ua moe umi.

Ole vaaiga ole foma'i poo nisi mea e ave i ai lau tama e tatau ona fai ae le'i amata le aoga poo ina ua tu'ua le aoga poo i taimi o faamalologa (holidays)

Ole a la'u mea e fai pe afai e tatau lava ona le aoga la'u tama?

Afai ua tatau lava ona le aoga lau tama, e taua lou ta'u ile aoga ma ta'u mai le faapogai ua le aoga ai lau tama. Ile faamalamalama la ole le sau o lau tama ile aoga, e mafai e matua ma e e vaavaaia tamaiti ona:

- lafo mai se tusi, aumai se fax pe email ile aoga
- telefoni mai le aoga, poo le
- sau e asiasi mai le aoga.

O tia'i aoga uma lava e tatau ona faamatala mai ile aoga. O tusi ole le sau ile aoga mai isi gagana (Bilingual absentee) ma nisi faamatalaga e mafai ona maua ile upusaite ale Matagaluega i lalo ole faaulutala School Attendance (Faatasi ile Aoga) ile https://www.det.nsw.edu.au/languagesupport/documents/index_s.htm

E i ai le aiatatau ile puleaoga ole aoga e fesiligia ai ia ni faanoi mai matua poo e e vaavaaia tamaiti ole a le aoga a latou fanau.

E mafai foi ele puleaoga ona fesiligia le faamalamalama e tuuina mai ile pogai na le aoga ai le tamaititi.

Ua le fia alu la'u tama ile aoga. Ole a la'u mea a fai?

E tatau loa ona e faafesootai le puleaoga ile vave e mafai ai ina ia talanoaina le mataupu ma saili se fesoasoani. E mafai ele puleaoga ona saili se fesoasoani mai le tagata ofisa o fesootaiga ale aoga ma aiga poo le tagata ofisa Apoliki o fesootaiga ma tamaiti (liason officers).

O ai ia tagata ofisa o fesootaiga ale aoga ma aiga ma tagata ofisa Apoliki o fesootaiga ale aoga ma aiga (school liason officers)?

O tagata ofisa o fesootaiga ale aoga ma aiga poo le tagata ofisa Apoliki o fesootaiga ma tamaiti (liason officers) o i latou ia ua aoaoina faapitoa lelei e fesoasoani mo lau tama ina ia sau ile aoga.

Latou te galulue i komiuniti a aoga ia faamalosi tamaitiaoga uma lava ia o pea lava i aoga i aso uma.

Mo nisi faamatalaga e uiga ile polokalame ale Home School Liason Program (Polokalame Tagata o Fesootaiga ale Aoga ma Aiga) e tatau ona e fesootai atu ile pule ole polokalame ile Department of Education and Training regional office. O numera e faafesootai ai e mafai ona maua ile tuatusi lea ole uepesaite: www.det.nsw.edu.au/contactus/index.htm poo lou telefoni foi ile 131 536.

O i ai ni faafitaul ile auina atu o lau tama ile aoga, ona o nisi o faapogai nei?

- e le fia alu ese mai le moega ile taeao
- e le fia alu ile moega ile po e moe
- e le maua ona lavalava, tusi ma api aoga, ana meaaoga e fai ile fale, le ato aoga...
- le saunia lana lunch mo le aoga
- tuai le aina o lana breakfast
- le faia meaaoga e fai ile fale
- matamata ile televise a ua leva le po, poo ua tatau ona sauni mo le aoga
- suega poo ni tufaga faailoga ile aoga
- o asofanau
- tagi ma taupeupe ia oe e le fia alu.

O nisi nei o fautuaga ua faavae i luga ole faatulagaina o fuafuaga (routines) ia faia pea lava pea:

- Fai se taimi e alu ese mai ai ile moega
- Fai se taimi e alu ai e moe
- la sauni le toniga ma le atoaoga ile po ae le'i moe
- Fai le lunch ile po ae le'i moe
- Fai se taimi e amata / faauma ai ona 'ai le breakfast. Ose fuafuaga fai (routine) e taua lava.
- Faatulaga se taimi e fai ai meaaoga ile fale i aso taitasi
- Ki le TV na ose taimi ua seti ma pe afai ua talafeagai ma tatau
- la e malosi, e tatau lava ona o tamaiti ile aoga
- la faatele ona e faafiafia ma faamalosi atu
- la e malosi, ole asofanau e le ose aso malolo
- Ole taimi e taunuu ai ile aoga ia fetau ma le ta ole logo ma ia vave sau ile fale. Afai ua uma ona faatulagaina ma le faiaoga, ia tuu le lima o lau tama ile lima ole faiaoga ona alu loa lea ile fale.

E te manaomia se faamatalaupu?

E i ai auunaga o faamatalaupu e mafai ona maua pe afai ete manaomia mo matua ma e e vaavaaia tamaiti, mo i latou e le tautala pe le malamalama foi ile gagana faa-Peretania, ma mo matua e Gugu ma e e vaavaaia tamaiti e latou te faaogaina ia gagana e fai i faailoga (sign language). Mo nisi faamatalaga i auunaga o faamatalaupu faafesootai lau aoga poo lou telefoni ile Auunaga o Faamatalaupu i Telefoni ma fai i ai e telefoni e latou le aoga. Ole numera ole telefoni e vili ole 131 450. Fesili mo se faamatalaupu ile gagana ete manaomia, ma ole a valaau ele faamatalaupu le aoga ma e nofo pea i luga ole laina e fesoasoani ia oe i la outou talanoaga. E te le totogiina lenei auunaga.